


12-4-'88

'T SKIEPPE- STURTSJE



doarpskrante fan tsjerkwert e.o.

REDAKSJE: Ineke Feenstra-Sijbesma,	tel. 9277
Sytske Dijkstra-Bouwhuis,	,, 2968
Richtje Speerstra-Bakker,	,, 2635
Rients van Buren,	,, 9280

TYPE- EN STENCILWURK: Thea Dam-Ruiter.

OMSLACH: Albert van Lingen jr., Wergea.

REDAKSJE-ADRES: Ineke Feenstra, Singel 2,
8765 LL Tsjerkwert.

BANKRELAASJE: Rabobank Bolsward; gironr. 856.829 t.n.v.
Rabobank Bolsward, reknr. 3087.56.800
t.g.v. It Skieppesturtsje Tsjerkwert.

~~~~~

# FOARWURD:

Achte lêzers,

By it ferskinen fan dit krantsje,  
leit de fakânsje alwer efter ús.  
Guon binne nei it sinnige súden  
west, mar de measten dy't yn eigen  
lân bleaune, ha it ek troffen  
nei it waar, sa ek de thûsbliuwers.  
Nei dizze fakânsje begjinne wy wer  
nei frisse moed mei ús Skieppesturtsje.  
Lokkich ha wy fan jimme wer aardich wat kopy krigen. Dit  
wurdearre wy tige, want sûnder jimme kinne wy neat.  
Dus ha jimme nijs, jou it efkes troch.



Yn dit Skieppesturtsje kinne jimme lêze u.o. oer it doarpsfeest. Sûnder learzen wie der net op it sportfjild te ferkearen (wetter en wjirmen!), mar dochs wie it in slagge feest. Moarns spjield it, mar doe't it program begûn, wie it droech. Ek de barbeque, op'e lêste jûn, eindige mei reinwetter en ûnwaar, mar it wie gesellich. Ek kinne jimme lêze oer ús tsjerke en de flearmûzen, dy't no tige yn'e belangstelling steane. De tsjerke stiet al yn'e steigers, dat it begjin is der. Fierders noch nijs cer ferienings, dy't wer begjinne, mar hawar, jimme lêze it wol. Jonges en famkes, dy't wer nei skoalle geane: sterkte ta-winske, want nei 6-7 wike fakânsje moat it dochs wol wer efkes wenne. Wolle jimme nije kopy ynleverje foar 1 novimber?

Sytske.

=====

BERICHTEN VAN DE DORPSOMROEPER:

In deze 62ste bijdrage gingen deze zomermaanden als volgt aan mij voorbij. In de maande juni werden de zitbanken weer geplaatst op de wandelroute.

Meinze Poelstra vierde z'n 83ste verjaardag.

In Bolsward omriep v.w. de intocht van de Heakeneginne.

In de maand juli mocht ik een rondgang door de straten van St. Nicolaasga vanwege de braderie en waar ik tevens een redaktielid van eertijds ontmoette en wel Jan Melehers.

Vanaf 6 juli was ik weer een aantal woensdagmiddagen in Makkum als dorpsomroeper. Ik maakte een rondgang door Parrega vanwege dat Yme en Geertje Rodenburg 25 jaar in de echt waren verbonden. In dezelfde maand en wel

op de 26ste was ik bij u in de huiskamer met de bel, in het t.v.-programma "Weg van de snelweg". Op de laatste zaterdag van juli in de straten van Neede (Geld.).



Een maand later maakte ik een rondgang vanwege de boerenbruiloft in Joure.

Augustus maand.

Nogmaals in de Joure vanwege de oude ambachtenmarkt en diezelfde dag Nederlands kampioenschappen van stads- en dorpsomroepers, waaraan ik in Sneek ook deelnam.

Maakte een rondgang in Koudum en een dag later in Dokkum en bijna als afsluiting van deze maand, wordt de geboorte bekend gemaakt van Pier J. Zijtsling van Baburen.

Op de laatste dag op het oord der waarheid in Dokkum, de noordelijkste stad van ons land: kampioenschappen van N.O. Friesland, waar ik eindigde als 6de.

September maand.

Paulus Witteveen van de Waltaweg zijn geboorte wordt bekendgemaakt.


Maakte een rondgang in de vroegere academie-stad Franeker, vanwege de agrarische dagen en de hoogste temperatuur was tot op heden  $26,5^{\circ}\text{C}$  en dat was op 26 mei.

Inmiddels zullen de trekvogels weer hun vakantie-oorden of paradijzen, het is maar net hoe je het noemen wilt, teruggekeerd zijn. Voor mijzelf had ik daar geen behoefte aan ook vanwege de vele keren, dat ik er opuit trok als dorpsomroeper en de verplichtingen op de Ald Fears Erf route. Voor die anderen, die niet gingen is er altijd nog zoiets als onbezorgd thuisblijven. En de dorpsgenoten, die een vacantiegroet aan mij toestuurden, voorwaar hartelijke dank. Het aantal was ditmaal precies op de vingers van één hand te tellen.

Seoul '88: Olympische Spelen.

Als er nog één religie aanspraak kan maken op de titel van wereld-

godsdienst dan is dat de sport. Miljarden mensen over de hele aardbol zullen de komende weken via de t.v. kijken naar de Olympische Spelen in Seoul. De leer van de sport als religie is simpelweg haar doel 'sneller, hoger, sterker'. In deze religie telt niet de eeuwigheid, maar het moment van zege of nederlaag, slagen of falen. Omwille van dit



is de topsporter bereid tot een jarenlange beoefening van allerlei religieuze deugden, zoals discipline en zelftucht. In de topsport wordt de mens zichzelf tot

*Liefdadige  
Landgenooten!*

tiran en tegenstander, held en God. Het gaat om het doorbreken van de grenzen van tijd en ruimte, die de mens zijn gesteld.

Sport weerspiegelt de hedendaagse mentaliteit, die geen geduld kent en moeilijk kan wachten.

In de vroegere jaren schikten de mensen zich in hun grenzen van tijd en ruimte, die voor altijd leken te gelden. Zij probeerden het tempo van leven niet te versnellen.

Een uur gaans was een uur gaans en een dagreis bleef een dagreis. De mensen lieten zich nog niet opjagen door



klokken en chronometers. Zij kenden nog geen recordjacht. Nu kunnen zelfs vakantiereizen ontaarden in kilometers en zenuwen-vretende racepartijen. Het wijze inzicht, dat alles zijn tijd moet hebben, is zoekgeraakt. Niets en niemand lijkt meer tijd te hebben. De wereld gaat dan ook niet aan vlijt, maar aan haast ten onder.

Het jaarlijkse dorpsfeest.

Op de 22ste juli en de dag daarna, één van zin en één van geest. Een ieder mag voor zichzelf uitmaken, wat hij hier na afloop van het feest van vond. Over één ding kunnen we het metelkaar eens zijn: Een geslaagd feest, meende ik.

De feestcommissie oftewel bestuur van de oranjevereniging, heeft kosten nog moeite gespaard om het iedereen naar de zin te maken. En gezelligheid is nu eenmaal geen programma of spelonderdeel, maar iets dat je samen moet maken!

Op de 8ste van de 8ste maand van het jaar '88.

In China zou 8 het geluksgetal zijn, alhoewel het mij een dag eerder onbekend was.

En....op die 8ste augustus j.l. op de aloude Singel van ons dorp, klonk net als eertijds in de straten van Judea en Jeruzalem, des Heren stem vol gezag, liefde en mededogen. Een 45 tal strijdmakers van het Leger des Heils uit Sneek met muziek en tamboerijn brigade bracht hun zieke medestrijder dhr. Bouw een bezoek.

Aan de omwonenden en nog een aantal uit ons dorp, werden liedbundels uitgereikt van het Leger des Heils en werd


Totslot sprak dhr. Bouw nog een dankwoord voor dit liefdevolle gebaar.

Ik denk, dat ik maar eens opstap, waarna ze vervolgens nog drie uur blijven zitten. En na deze laatste regels, leg ik de pen wel neer en D.V. tot mijn volgende berichten.

Van huis tot huis wederom de hartelijke groeten van

[illegible]

Wij zijn Roelof en Joke  
de nieuwe beheerders van  
"Het Waltahüs".



De meesten zullen ons wel kennen, maar toch willen we ons nog even voorstellen aan die mensen, die ons niet kennen. Wij wonen nog in Parrega, maar komen binnenkort op Singel 13 in Tjerkwerd te wonen. Wie langs wil komen om een bakje is altijd welkom. Maar we hopen eerst iedereen te ontmoeten op onze opening van "Het Waltahûs" op 24 september a.s. vanaf 8 uur voor een drankje, hapje en een dansje. Oud en jong is van harte welkom.



Voor de kinderen is er van 11 tot 1  
uur een gratis bakje patat te krijgen.

Totziens bij Roelof en Joke.

[illegible]

## DOARPSFEEST 22 en 23 JULI 1988

Minsken, minsken, wat in twa moaie dagen hawwe wy hân.  
F. Schakel en it musykkorps soargen foar de iepening.  
Dêrnei wiene der bernespultsjes yn it parkje, om't it op  
it sportfjild sa wiet wie.

Alle bern krigen nei ôfrin konsumpsje-bonnen.  
It petsjebaljen waard fersetten nei de middeis. Earst wiene  
der spultsjes foar de wat gruttere minsken. Wat in wille  
mei it wetter bassin. In protte minsken waarden troch en  
troch wiet. De earste priis waard helle troch it oranje-  
bestjoer: hoe bestiet it. Om't de punten fan de 2de en 3de  
groep gelyk wiene, waarden dit de úteinlike winners.  
Dielde twadde plak waard foar: Hayo Hylkema, Durk Breeuwsma,  
Anneke de Jong, Willy Breeuwsma en Sytske Dijkstra, Sjoukje  
Hylkema, Beitske Breeuwsma, Nico Postma.

Se krigen allegearre in moaie  
parker-pen.

Dêrnei begong it petsje-baljen.

Jong en wat âlder diene mei.

De winners wiene:

1e priis: Dhr. W. Bakker.

2e " Alette Nauta.

Sy krigen beide in jiskebak  
en in pinda-automaat.

It ringfytsen wie in grut sukses.

In protte minsken diene mei, it  
wie geweldig.

Hjirby hellen Steef Haarsma  
(jr. stiften + map) en

Marco Burghgraef (sr. bier-  
glêzen) de earste priis.

Twadde priis: Else Huisman (jr. potleaden + stiften) en  
Sjoukje Hylkema (sr. drinkglêzen).

Nei ôfrin fan dit spektakel wie der dûnsjen yn it Waltahûs.

Foar dat jo it yn'e gaten hiene, wie it alwer moarn.

Op it sportfjild (mear in drekfjild) wie der keatsen  
en volleybaljen.



De jeugdkeats-prizen wiene foar:

1e priis: Johan Ouderkerken, Rixt Nynke Schakel en  
Steef Haarsma.

2e priis: Sjoerd Huisman, Nellie Haarsma en Durk Walsma.

Se krigen allegearre in medalje, in moai oantinken fan dizze striid.

It volleybaljen hie hiel wat om'e hakken, no ja, om de teannen kin men wol sizze. It wie krekt as foar de keatsers in 'bealich fol wurk om skerp te setten'.

Mar wat in wille, en dêr giet it om, of net soms!

De priiswinners:

1e priis: Menno Poelstra, Boukje Postma, Broer Dijkstra,  
Hylke Feenstra, Alie Feenstra, Peter Bakker.

2e priis: Tetsje de Jong, Sandra Velting, Jelle Zijsling,  
Marjan Posthuma, Iet Galama, Johannes Dijkstra.

De 1e priiswinners krigen in taart en de 2de priis wie in oranjekeok. Smulle mar.

It keatsen foar de senioren, hat in wiere striid west.

Middeis koe der pas beslûten wurde, wa de winners waarden.

De útslach wie asfolgt:

1e priis: Jan Blanksma, Bertus Walsma, Cor Goeman.

2e " Anno Galama, Willem Poelstra, Johan Gaastra.

Kening fan it keatsen waard Jan Blanksma.

Hy mocht in skitterende wikselbeker yn ûntfangst nimme.

Dizze beker is skonken troch ús foarsitter Jan Galama.

Dat mocht dochs wol efkes neamd wurde! Prachtich Jan, tank.

Alle keatsers krigen in eare rûntsje yn'e wein troch ús doarp.

De weinen wiene yn it doarp, om't der ringriden organisearre wie op'e Singel. Altyd wer in prachtich gesicht, dy hynders en pony's.

De prizen: Under it sadel (pony) - Sjoukje Hylkema

" " " (hynder) - Leny Haytema

Hynder en wein - Pieter Bleker

Sy krigen in beker.

Alle dielnimmers krigen wat, n.l. de pony's en hynders in oranje roas yn de moannen, de weinen in oranje lint oan de swipe en de froulju fan de weinen in bosk blommen.

Hjirmei waard de middei ôfslûten. De jûns brocht ús hiel wat oars.

Barbeque, of hjit dat stokje-skroeie yn it frysk?

Mar jonge, jonge, wat in wille ha wy hân.

Dat alles sa goed ferrûn, ha we mei te tanken oan alle help, dy't we krigen fan sa'n protte minsken. We wolle se net stik foar stik neame, want meastiids ferjitte we dan guon. Mar minsken, jim ynset, help en meiwurking, wie grandioos. Sûnder dat binne we nergens!

Hjirmei woe ik it ferslach mar ôfslúte, want oan alles komt in ein.

It oranje-bestjoer.

Het is weer bijna zover, de zomervacantie is afgelopen, de merken zijn verleden tijd en de koudere tijden staan weer voor de deur.

De bedoeling is dat we dinsdagavond 20 sept om acht uur van start gaan voor de competitie. Iedereen die hier nog nooit aan heeft meegedaan kan rustig komen en ook aan onze competitie deelnemen.

Een ieder tot ziens op dinsdagavond 20 september a.s., en denk erom\*laat de messen thuis.

De kaartclub.  
namens deze M.IJdema.

## BERJOCHTEN FAN DOARPSBELANG:

It winterskoft stiet foar de doar. In protte aktiviteiten binne alwer begûn.

Sa krigen wy berjocht fan "De Stichting Basiseducatie ZW Fryslân". Dizze Stichting wol fia ús jo attint meitsje op ferskate kursussen dy't yn 1988/1989 organisearre wurde. Miskien lykt it jo wat ta. Fierder ynformaasje kinne jo hjirûnder lêze.

- Zin om weer wat te leren?

Dat kan.

Doe mee aan een cursus van de basiseducatie. De Stichting Basiseducatie ZW. Fryslân biedt vele kursussen aan.

Bijvoorbeeld cursus beginnend lezen en schrijven, cursus praktisch rekenen, cursus engels, cursus oriëntatie op computer en automatisering of een cursus notuleren.

De kursussen zijn bedoeld voor mensen met weinig vooropleiding. Mensen, die er op een ongedwongen manier wat bij willen leren. Tijdens de cursus leert u vooral die dingen, waar u iedere dag mee te maken heeft.

De kursussen kunnen bij voldoende deelname evt. indien mogelijk in Tjerkwerd gehouden worden.

De kosten voor deelname aan één (of meer) kursussen zijn f 25,- per jaar. Een cursusfolder met alle kursussen vindt u op het postkantoor te Tjerkwerd.


Als u meer informatie wilt kunt u ook even kontakt opnemen met het kantoor van De Basiseducatie:

J.W. Frisostr. 77,

Postbus 173,

8600 AD Sneek,

tel.: 05150 - 20646.



Ek waard der yn'e simmerfakânsje in sjoelkampioenskip hâlden.

Hjir in ferslach fan in dielnimster.

Kampioenskip sjoelen,

Op 27 july wurde it kampioenskip sjoelen fan Wûnseradiel hâlden yn Makkum. Dit wie op de 18 meter lange sjoelbak. Twa jier ferlyn is dit ek hâlden en doe krige Tsjerkwert de earste priis.

Dizze kear diene Bouwe Huitema, Sjoerd Breeuwsma en Sytske Dijkstra mei nammens Tsjerkwert.

Fierders diene de doarpen Ferwâlde, Skettens-Longerhau, Makkum, Wytmarsum en Eksmoarre mei.

It wie in tige spannende wedstriid, foaral doe't Makkum en Tsjerkwert mei it selde oantal punten boppe oan kamen te stean.

Neidat we nochris spielen wûn Tsjerkwert. Dus de wikselbeker gie ek dit jier wer nei Tsjerkwert.

Ek krigen wy noch in herinneringsbeker mei, as oantinken oan'e wikselpriis fan ferline kear.

Fierders waard der noch in beker útrikt foar dy persoan dy't it heechste skoarde en dy gie nei....Sjoerd Breeuwsma. Sa gongen wy mei alle trije bekers nei hûs, dat it koe net better.

Sytske D.

Fanôf dit plak sizze wy de dielnimmers tige tank foar harren meiwurking en ynset. Proficiat mei it geweldige resultaat! De twa bekers binne te bewûnderjen yn it Waltahûs.

Lykas oare jierren organisearrte it bestjoer van de V.V.N. ôfd. Wûnseradiel ek dit jier in doarpen-ferkearskwis.

Ek ús doarp kin der mei in team fan 4 minsken oan meidwaan.

Dizze kwis wurdt op 18 novimber o.s. yn hotel-restaurant "De Waag" te Makkum, oanfang 20.00 oere, hâlden.

De team, dy't meidogge, stride om'e eare fan harren doarp en om de wikselbeker.

Wa't meidwaan wol, kin har opjaan by: Th. Dam, Waltawei 31, Tsjerkwert, till.: 9406.

Mar ek supporters binne fansels dêr wolkom. Hja kinne yndividueel meidwaan oan de kwis.

Wy hoopje op jimme meiwurking, sadat ek ús doarp dêr yn Makkum fertsjinwurdige is!

~~~~~

Examens

SLAGGE:

M.A.S. : Thomas Burghgraef, Bertus Rinze Bakker.

H.A.V.O. : Hille Schakel, Janneke Gietema, Niek Galama.

L.H.N.O. : Helena Tiesma.

V.W.O. : Anne de Boer.

M.A.V.O. : Sybolt Dijkstra, Elizabeth Bakker, Niek de Boer,
Nico Postma, Rieneke Speerstra.

Fryslân A. : Pytsje Feenstra.

L.M.O. : Reinold Poelstra, Akke Algra.

L.A.S. : Herke Bakker.

A.B.S. (motorvoert.) : John de Wolf.

Opl. Agogisch werk : Bea Gietema.

M.M.O. : Reiny de Jong.


M.E.A.O. : Johan Dijkstra.

M.T.S. (spec. motorvoert.) : Broer Burghgraef.

Middenstandsdiploma : Rein Galama, Brandt Volbeda.

M.S.V.S. : Sijtze Gaastra.

(Zeevaartsschool)



Allegearre
fan



herte
Lokwinske!

STICHTING IT WALTAHUS:

Yn it foarste plak docht it ús deugd, dat wy der yn slagge binne in nije behearder foar ús doarpshûs fûn te hawwen.

Wy hjitte Roelof en Joke de Jong wolkom en winskje harren in goede tiid yn it Waltahûs en in protte sukses.

Op 29 oktober is der in dis-co-jûn foar de jeugd mei play-back wedstriid. Der binne al inkelde dielnimmers, mar der kinne noch mear by. Der binne leuke prizen te winnen. Opjaan by Sjoerd Gaastra, till: 9517.

Foar de dûns-lassen hawwe har al moai wat pearen opjûn. Der moatte noch al in pear by, wol it in sukses wurde.

Jo hoege jo net beslist as pear oan te melden.

De kosten bedrage ± f 85,- p.p. foar 10 lessen.

De lessen wurde hâlden op woansdei-te-jûn en we woene los op 9 novimber.


Jo kinne jo noch opjaan by Sjoerd Gaastra, till.: 9517, beslist foar 1 oktober.

Dûnsjen is plesier foar twa, foar jong en âld(er).

It bestjoer.

=====

+++++ Wie wil voor de komende koude winter nog
sterke warme eigen-gebreide sokken hebben?
Verschillende kleuren en ook jongenssokken.
Herensokken vanaf f 7,50 per paar.
Sterkere iets duurder.



A. Kroontje-Kooistra,
Singel 12,
Tjerkwerd.

's Middags niet thuis.

+++++



Twa jier lyn, hiene wy op Singel 2, twa katten, doe't it berjocht kaam, dat ien fan ús allergysk wie foar dizze bisten. Dus de katten fuort! Ien belanne by Joop en Leny yn Parregea en de swarte waard ôfleverre op Skrok by Easterein. It wiene al wat âldere katten, mar dy yn Parregea wie samar thús. De swarte wie in wylden; syn thúsfielen waard pedagogysk oanpakt: Earst allinnich yn'e keamer en sa njonkenlytsen mei in toutsje om'e nekke in slach om it hûs. Mar de kat seach it him oan en naaide út. Der efter oan, mar de swarte wie sa fluch as wetter en ferdwûn yn'e nearne nacht. Skrok, skrok en wy ek.

Doe waard it winter en kâld (it liket wol in krystferhaal) en poes dêarme noch hie'tiid troch it wide fjild. It begrutte ús ta de teannen út. De wille, dat der hast wer, foar de tredde kear in âlvestedentocht komme soe, waard foar ús fergalle, want wêr soe swartsje wêze? Lei er earne deaferzen yn'e ûnderwâl??

Dochs bleau de hope libjen en eltse kear as wy in swarte kat yn't lân seagen wakkere dit flamke wer op. It wie sels sa, dat wy yn Frankryk op in rotonde riden en doe in swarte kat op it griene middenstikje rinnen seagen, mar dat wie him ek net. Dit wie twa jier letter.

Doe't wy dizze fakânsje wer thús kamen en alles wer op skoalle oansette, seagen we thús tusken de goudsjeblommen in swarte kat. Soe't him wêze?

Letter op'e dei seagen we him wer; no op't tsjerkhôf. Alie der op oan en mei in soad'poes, poes' kaam swartsje skrutten tichterby.

De kat yn'e houdgreep en mei it hûs yn.

We ha him ûndersocht op de speciale wite stipkes en 't is him!!!

Hy is mei west nei de biste-dokter en is sa sân as in fiskje en syn thús is no wer by de famylje Feenstra op Singel 2. No binne wy fansels tige benijd nei wêr't er dy twa jier húsmanne hat.

BACK FROM THE STATES: WE BINNE DER WER!!

Jimme hawwe ús miskien alwer sjoen, mar wy woene dochs graach ek hjir efkes fermelde, dat de Sylroede 10 wer bewenne wurd troch de oarspronklike bewenners!! It is fyn om wer thús te wêzen. Jammer wie it dat de fam. Swearingen it hjir net rjocht fine koe; want it is dochs in prachtich doarpke: ús Tsjerkwert.


Yn de Feriene Steaten fan Amerika hawwe wy in hiel moai jier hân. Fansels moasten wy ús yn it begjin tige oanpasse, mar úteinlik hawwe wy it op ús skoallen geweldich nei it sin hân: Rick op High School, Arjen op de Elementary School, Grytsje en Jelte op de "Preschool"; Grytsje hat dus ek oan't wurk west as "teacher"!! Yn Loveland, de stêd yn Colorado wer't wy wennen, fjielden we ús thús en we sieten op in moai plakje fuortby de Rocky Mountains, mei faaks prachtich waar.

Troch it jier hinne, mar foaral dizze simmer, ha we in soard reizige. En dat is yn in lân as Amerika och sa de mucite wurdich. Wat in yndrukken! Wat in ferskaat.

Al mei al is sa'n jier in geweldige erfaring, mar as jo freegje oft we der altyd wol wenje woenen, dan is it antwurd nee.

Hjir yn Fryslân leit ús ferhaal mei famylje, freonen en doarp. Dus bliid, dat we der wer binne en oant sjen!!

Grytsje en Rick
Arjen en Jelte



#####

KEATSEN 1988:

Fan it keatsfront tige positieve berjochten. It waar wierre aardich mei, sadat we 18 kear yn't spier koene. De dielname wie ek poerbêst: 26 jeugdleden kamen frij

regelmjittich de tiisdei-te-jûn del en 18 senioren
joegen acte-de-presence.

Dat binne oantallen, dy't der wêze meie.

Yn'e fakânsje drige de saak 6 wike op slot set te wurden,
mar Sjoerd Gaastra hat de skouders der ûnder set en de
keatsers wiene út'e.brân.

It hat sa bêst foldien, dat Sjoerd Gaastra komt grif wer
foar in kontrakt yn oanmerking.

Us oprop om op tiisdei-te-jûn wat te assistearjen hat, bû-
ten Sjoerd Gaastra fansels, neat opsmiten.

In wurd fan tank is ek op syn plak by fem. Jeh. Huitema.

Wy meie altyd twa stâllen brûke foar opslach. Tige tank.

Der binne fan it jier 5 prizen foar de senioren en 15
foar de bern.

De útslach: Senioren

1. Johan Gaastra - 93 pnt.
2. Niek de Boer - 89 "
3. Durk Breeuwsma - 84 "
4. Gooitsen Brandsma - 76 pnt.
5. Sjoerd Huisman - 73 pnt.
6. Douwe v.d. Werff - 59 pnt.
7. Ids Schukken - 59 pnt.
8. Anne H. de Boer - 58 pnt.
9. Wyberen Poelstra - 57 pnt.
10. Anno Galama - 54 pnt.



De útslach: Jeugd

- | | |
|----------------------------------|----------------------------------|
| 1. Steef Haarsma - 92 pnt. | 15. Durk Walsma - 57 pnt. |
| 2. Manfred de Wolf - 87 pnt. | 16. Marieke Walsma - 55 pnt. |
| 3. Johan Ouderkerken - 84 pnt. | 17. Ankemarije de Boer - 54 pnt. |
| 4. Nelly T. Haarsma - 84 pnt. | 18. Eduard Witteveen - 50 pnt. |
| 5. Tjeerd U. Haarsma - 78 pnt. | 19. Nieneke Nauta - 50 pnt. |
| 6. Tjeerd D. Haarsma - 77 " | 20. Maura Falkena - 49 pnt. |
| 7. Durk Ouderkerken - 73 pnt. | |
| 8. Rikst Nynke Schakel - 72 pnt. | |
| 9. Anke Witteveen - 69 pnt. | |
| 10. Gerrit Schukken - 69 pnt. | |
| 11. Peter Ouderkerken - 67 pnt. | |
| 12. Judith Falkena - 64 pnt. | |
| 13. Else Huisman - 63 pnt. | |
| 14. Alex Draaisma - 62 pnt. | |

Hellendoarn, 30 aug. '88.

Bêste redaksje,



Mei in soad nocht lêze wy alle kearen "It Skieppesturtsje".
Us kompliminten!

Mar no ha'k in fraach.

Ik bin opsyk nei in jonge, echte, wytweiten hoanne en nei
in jonge giel-wytweiten hoanne.

Hjir by ús yn de buert kin ik se net fine.

En no is myn fraach of der yn Tsjerkwert of omkriten ek
fan dat hinneguod rûnrint.

Earder ha ik alris út Blauhús sokke hoantsjes hân.

Soe ik in oprop yn "It Skieppesturtsje" sette meie?

Noodkreet

Sa bygelyks: OPROP

Us hinnen ha ferlet fan in jonge echte wytweiten hoanne
en fan in jonge giel-wytweiten hoanne!
Wa soe harren dêr oan helpe kinne?
Skilje dan efkes 05486-54519.
Dat is it nûmer fan Tsjalling Twijnstra
yn Hellendoarn.




Alfêst bedankt!

As der kosten oanferbûn binne, hear ik dat dan noch even?
Fierder tige bedankt en folle groetenissen fan ús.

Tsjalling Twijnstra, Huurmansweg1,

7447 EA Hellendoarn.



~~~~~

# VERHUISBERICHT:

Aan allen, die "De Skieppesturt" lezen.

Zoals u wel gemerkt zult hebben, is er al h  el veel  
gebeurd in het pand Kerkstraat 5.

Ik ben inmiddels verhuist naar Leeuwarden.

Ik wil iedereen hartelijk bedanken voor het fijne dat  
ik toch in Tjerkwerd gehad heb en wens dan ook iedereen  
het allerbeste.

Hierbij bedank ik ook voor alle lidmaatschappen.

Wie eens langs wil komen is van harte welkom.

T. Kikstra-Kleistra,  
Vondelstraat 28,  
8913 HP Leeuwarden.  
tel. 058 - 158861.

~~~~~

BYDRAGEN BINNE KOMMEN FAN:

J. Dijkstra - Sondel, W. Bakker - Tsjerk  strjitte,

M. Poelstra - Singel, Th. Haarsma - Himdyk, frou D. Bakker -

Arkum, F. Reidsma - Ljouwert, D. Haarsma - Himdyk,

frou Abma - Boalsert, frou P. Mulder - Washington USA,

frou T. Kikstra - Leeuwarden.

~~~~~



## NIJS FAN "IT PJUTTEHONK":

Ek wy binne wer mei nije moed útein setten.

Alde en nije gesichtsjes, 16 yn getal.

Fan't simmer mei it feest ha we in aksje holden om in ekstraatsje byelkoar te skarreljen.

Dat is aardich slagge.

De nammen fan de poppe en de bear waarden nèt rieden.

De poppe hiene we de namme Lutske jûn. We hiene ús skat-hâldster ferneamd.

De knyn: Gosse. Hy wie neamd nei Gosse H. om't hy sa spontaan mei de knyn oansetten kaam om dêrmei wat jild foar de boartersseal byelkoar te krijen.

In elts noch betanke!

Kom mar ris lâns om in bakje kofje op tiisdei- of tongersdei-te-moarn.

Wy binne der fan 8.45 oere oant 11.15 oere.

It bestjoer.



ACHTE LEDEN FAN 'M.B.V.O'!

Moandei, 3 oktober, sette wy wer útein mei ús gymnastykklub 'M.B.V.O.' ûnderlieding fan frou Lucy Schakel. It is mei gjin pirne te beskriuwen hoe fleurich en goed hja les jowt!

Ferline jier hiene wy in moaie groep, 16 leden. Dat moat sa bliuwe.

Wy hawwe altyd in protte wille meiinoar. Dêrtroch is it tige ûntspannend.

En wat mear minsken, wat mear wille.

Dêrom ferwachtsje wy jimme allegearre wer.

En net-leden tusken de 50 en 100 jier (jonger en âlder mei ek): Kom ris sjen, kom der ek by!

Oant moandei 3 oktober, fan 2 oant 3 oere yn it Waltahûs.

B.K. - H.B.

+++++



Met deze wil ondergetekende E. Bouw u allen heel hartelijk bedanken voor de grote belangstelling, die ik tijdens mijn verblijf in het ziekenhuis van u mocht ontvangen. Ook heel hartelijk bedankt voor de vele bloemen, kaarten en de attenties, die ik zowel in het ziekenhuis als hier thuis nog mocht ontvangen. Nogmaals heel hartelijk dank, want dit alles was voor mij, ook voor mijn vrouw en zoon, een hele grote steun in deze voor ons wel hele moeilijke periode.

E. Bouw,  
Singel 26.

+++++

## RESTAURAASJE FAN DE ST. PETRUSTSJERKE:

Krekt 100 jier is de toer âld en  
no stiet er wer yn'e steigers.  
It miselwurdk is min, flierren en  
kezinen binne op plakken trochrotte  
en moatte fernijd wurde.  
It oerwurk stiet stil en sil ek  
neisjoen wurde, sadat elk aan't  
wer sjen kin hoe let as it is.  
Ek de tsjerke, dy't folle âlder is  
sil bûtenom in beurt krije, foaral  
it mitselwurk en de ankers binne min; der binne ankers by,  
dêr't neat mear fan oer is.  
As dit klear is, dan ha wy in stikhinne de taseine  
subsydzje op.  
Foar it prachtige ikenhouten ynterieur is dan net folle jild  
mear oer.  
It stikje fan'e yngong oan't krekt foarby de preekstoel  
sil oanpakt wurde en dan allinne de súdkant.  
De rest fan it ynterieur, wat op plakken striemin is,  
sil wachtsje moatte; it hie moai west, as it yn ien kear  
kinnen hie.  
Wy hoopje foar in twadde faze ynkoarten yn oanmerking te  
kommen foar subsydzje.  
Dan is der noch in gewelf, dêr't gatten ynfalle.  
De tsjerkegongers witte it wol fan'e lucht op warme sneinen  
dat dêr boppe de hast ferneâmde marflearmûzen sitte;  
no't de gatten hjir en dêr wat grutter wurde yn it gewelf  
falt der ek wolris wat trochhinne fan it ien en oar.  
(dy bisten moatte har behoeften ek dwaan)  
Wy miene, dat de oerheid de kosten foar it gewelf en de  
kap foar de folle hûndert presint betelje moat.  
It is in unike koloanje seit men, en dan moat der ek in  
ynyk bedrach foar beskikber komme.



Wy hawwe hjir wol wat fertrouwen yn.  
 De bedragen dy't yn'e 'grote pers' neamd wurde, binne  
 net alhiel (siz mar alhiel net) tarikkend.  
 Jimme hawwe wol troch, dat der moai wat sinten op it  
 kleed komme moatte en dat ús restauraasje potsje gau  
 leech is.  
 Wy wolle it banknûmer fan it restauraasjefûns by de  
 Bondspaarbank yn Boalsert wol neame: nml. 968613934.  
 My tinkt, dat de St. Petrustsjerke bestean bliuwe moat,  
 wat tinke jo?  
 Ut namme fan'e tsjerkfâldy, H.S.

~~~~~





S N Y P S N A R E N



- Tjeerd en Ule Haarsma sieten te fiskjen.

Wetterpolysje kaam lâns
en fregen nei de
papieren.

Ule hie oan syn rydbewizen net
genôch, kosten: f 50,-




- Skoalbern sutelden mei jonge katten,
dy't by skoalle fûn wiene. Uteinliks bedarren se
by Jeh. Dykstra.



De oare moarns seine de bern fan
Breeuwsma: Wat dogge jimme mei ús
katten? Wat wie it gefal: Durk B.
hie âld papier yn'e kontainer brocht
en dêr sieten de katten tusken.

- Jan en Ineke ha útwreide:
in foech lisboksstâl foar
de fytsen.



- By it oefenjen fan'e spultsjes rekke master Dam kopke-ûnder. We begripe nò wêrom de oranjeferiening de earste priis wûn hat. Jawis, stiekum oefene!

- De earste rit mei de nije landrover fan Jeh. en Sytse ferrûn frjemd.
 Se rekken fêst op Ymswâlde.
 Jeh. sei: "Skuor him der mar út mei de trekker.
 Hy moat der oer kinne!
 Mar de bumper koe der net oer.

- Wêr moasten de froulju pisje,
 by it barbequefeest
 okkerdeis op Ymswâlde?
 Nico P. hie noch in kreaze w.c.pot
 stean.
 Wat opkreazje en te plak bringe
 mei de kuilsnijer.
 It gehiel kaam hêél oer.
 Mar ien "windje" en de pot lei
 yn skerven.

- Kopy ynleverje foar 1 novimber.



3



3